



Gradonačelnik

Broj: 07-14-9-2/19

Datum: 12.09.2019. godine

Na osnovu člana 13. Zakona o principima lokalne samouprave („Službene novine F BiH“ broj: 34/06 i 51/09) i člana 7. stav 2. tačka 6. Statutarne odluke o organizaciji Grada Gradačac u skladu sa Zakonom o Gradu Gradačac (“Službeni glasnik Grada Gradačac broj: 1/19) Gradonačelnik **d o n o s i**

P R A V I L N I K
O UTVRĐIVANJU USLOVA, KRITERIJA I POSTUPAKA
ZA OSTVARIVANJE PRAVA NA DODJELU PLASTENIKA
U PROJEKTU „EKONOMSKO OSNAŽIVANJE SOCIJALNO I MATERIJALNO
UGROŽENIH OSOBA I MLADIH OSOBA
KROZ PROIZVODNJU POVRĆA U PLASTENICIMA“ ZA GRAD GRADAČAC
U 2019. GODINI

I OSNOVNE ODREDBE

Član 1.

Ovim Pravilnikom utvrđuju se uslovi, kriteriji i postupak za ostvarivanje prava na dodjelu plastenika u projektu „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicama“ za grad Gradačac u 2019. godini (dalje: Projekat).

Član 2.

Pravo na učešće u Projektu imaju socijalno i materijalno ugrožene osobe i mlade osobe sa područja grada Gradačca koje posjeduju vlastito poljoprivredno zemljište ili njihovi članovi porodice po pravoj liniji (majka, otac, djed...), s tim da moraju sa njima sklopiti Ugovor o zakupu ili Ugovor o korištenju, u neposrednoj blizini stambenog objekta u kojem stanuju.

II PRAVO UČEŠĆA I USLOVI ZA DODJELU PLASTENIKA

Član 3.

Podnosioc zahtjeva (aplikant) treba da ispunjava sljedeće uslove:

1. da je nezaposlena osoba ili osoba sa minimalnim primanjima,
2. da je upisan u Registar poljoprivrednih gazdinstava i Registar klijenata u nadležnoj službi Grada Gradačac i da je izvršio ažuriranje podataka za 2019. godinu ili dostaviti ovjerenu izjavu da će se upisati u Registar poljoprivrednih gazdinstava i Registar klijenata prije dodjele plastenika,
3. da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju,
4. da ima mogućnost navodnjavanja plastenika,
5. da u trenutku predaje zahtjeva za učešće u ovom pozivu nema više od 100 m² plastenika u svom posjedu,
6. da sufinansira 20% od nabavne cijene plastenika sa pratećom opremom (497,00 KM),
7. da obavezno prisustvuje edukaciji iz oblasti plasteničke proizvodnje u trajanju od dva dana.

Član 4.

Gradska služba za privredu, budžet i finansije je nosilac aktivnosti vezanih za realizaciju Projekta.

III KRITERIJI ZA DODJELU PLASTENIKA

Član 5.

Kriteriji za bodovanje podnosioca zahtjeva:

- a) pogodnost vlastitog zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta) 1-3 boda,
- slabi uslovi (veliki nagib, udaljenost od kuće više od 200 m) – 1 bod,
 - dobri uslovi (relativno veliki nagib, udaljenost od kuće do 100m) – 2 boda,
 - jako dobri uslovi (blag nagib, blizu kuće, dobar pristup) – 3 boda.

Aplikanti kod kojih se na terenu utvrdi da ne posjeduju poljoprivredno zemljište pogodno za plasteničku proizvodnju (npr. veliki nagib, veličina parcele i sl.) ili nemaju mogućnosti navodnjavanja neće se bodovati, te se njihove prijave neće uzeti u razmatranje.

- b) dodatni bodovi po osnovu pripadnosti jednoj od dole navedenih kategorija:
- podnosilac zahtjeva nezaposlen (vrijeme provedeno na birou za zapošljavanje) – od 1-6 boda

i to:

- | | |
|------------------------|-----------|
| - od 0 god. do 2 god. | 1 bod, |
| - od 2 god. do 4 god. | 2 boda, |
| - od 4 god. do 6 god. | 3 boda, |
| - od 6 god. do 8 god. | 4 boda, |
| - od 8 god. do 10 god. | 5 bodova, |
| - više od 10 god. | 6 boda, |

- za svakog punoljetnog nezaposlenog člana porodice koji se nalazi na Evidenciji nezaposlenih osoba Biroa za zapošljavanje - 1 bod,
- za svakog izdržavanog člana porodice (nezaposlene osobe koje se ne nalaze na Evidenciji nezaposlenih osoba Biroa za zapošljavanje, djeca, učenici i sl.) -1 bod,

- mlade osobe životne starosti do 35 godina – 5 boda,
- ako je podnosilac zahtjeva samohrani roditelj – 2 boda,
- socijalni aspekt – minimalna primanja po članu domaćinstva do 200,00 KM -5 bodova,
minimalna primanja po članu domaćinstva do 250,00 KM - 4 boda,
minimalna primanja po članu domaćinstva do 300,00 KM - 3 boda,
- socijalni aspekt stanje na terenu: 0-4 boda.

Ukoliko kandidati pri bodovanju budu imali isti broj bodova, prednost će imati mlade osobe.

IV POTREBNA DOKUMENTACIJA

Član 6.

Podnosioci zahtjeva/aplikanti bit će obavezni dostviti sljedeću dokumentaciju:

1. Obrazac za prijavu na javni poziv,
2. CIPS prijava podnosioca zahtjeva – original ili ovjerena kopija,
3. Ovjerena kopija lične karte,
4. ovjerena kućna lista,
5. dokaz o nezaposlenosti kandidata izdat od Biroa za zapošljavanje ili potvrda da osoba nije poreski obveznik,
6. dokaz o nezaposlenosti svih punoljetnih članova porodice izdat od Biroa za zapošljavanje.

7. Potvrde iz škole/fakulteta za djecu/izdržavane članove domaćinstva,
8. Potvrda o visini primanja zaposlenih članova domaćinstva, kao i potvrda o primanju penzionera ukoliko je isti član domaćinstva,
9. vlasništvo ili posjed nad parcelom (kopija ZK izvodka ili Posjedovnog lista kao i Ugovor o zakupu),
10. Ovjereni izjava da u svom vlasništvu ili posjedu nema više od 100 m² plastenika,
11. Ovjereni izjava da će korisnik podsticaja dobiveni platenik zadržati u vlasništvu najmanje 2 godine od potpisivanja Ugovora,
12. Ovjereni izjava da podnosilac zahtjeva u posljednje 3 godine nije ostvario pravo na donaciju, dodjelu ili sufinansiranje nabavke platenika od općine, ministarstva, humanitarnih i drugih organizacija,
13. ovjereni izjava da će sufinansirati 20% od nabavne cijene platenika sa pratećom opremom (497,00 KM), te da će obavezno prisustvovati edukaciji iz oblasti plateničke proizvodnje u trajanju od dva dana,
14. dokaz da je samohrani roditelj (smrtni list ili dokaz o razvodu ili drugi dokument kojim aplikant može dokazati da je samohrani roditelj),
15. potvrda o upisu u Registar poljoprivrednih gazdinstava od općinske službe prema mjestu prebivališta (fizička lica) izdate u 2019. godini, odnosno ovjereni izjava da će se upisati u Registar poljoprivrednih gazdinstava i Registar klijenata prije dodjele platenika.

IV IZBOR KORISNIKA

Član 7.

Grad Gradačac objavljuje Javni poziv za predaju zahtjeva za dodjelu platenika. Javni poziv sadrži uslove i kriterije koje aplikant/korisnik mora ispunjavati, potrebnu dokumentaciju i rok za podnošenje zahtjeva. Izbor korisnika za dodjelu platenika vrši se na osnovu pristiglih prijava na Javni poziv.

Član 8.

Komisiju za odabir krajnjih korisnika za dodjelu platenika sa pratećom opremom putem sufinansiranja čine, predstavnik organizacije Muslim Aid, predstavnik Grada Gradačac i predstavnik poljoprivrednih udruženja koja djeluju na području grada Gradačca.

Zadatak Komisije je da:

- pregleda prispjele prijave,
- evidentira kandidate koji ispunjavaju uslove iz Javnog poziva,
- obavli uviđaj na licu mjesta,
- sačini listu krajnjih korisnika na osnovu utvrđenih kriterija za bodovanje te istu dostavi Gradonačelniku.

Saglasnost na predloženu rang listu kandidata daje Gradonačelnik.

Rang lista odabranih kandidata se objavljuje na oglasnoj ploči Grada i službenoj web stranici Grada Gradačac.

Član 9.

Izabrani kandidati potpisuju tripartitni Ugovor o dodjeli platenika, kojim će biti regulisana sva dalja međusobna prava i obaveze.

Član 10.

Pravilnik stupa na snagu danom donošenja.



GRADONAČELNIK
mr. sci. Edis Dervišagić